



Aleqa Hammond
Inatsisartunut ilaasortaq
/Maani

§ 37 naapertorlugu nr. 211 apeqquteqaatip akissutaa

Asasara Aleqa Hammond

Naalakkersuisut apeqqutinnut qujapput.

Ima oqaasertalimmik apeqquteqarputit:

Sumik peqquteqapa Naalakkersuisut oqaatsinut pillugit inatsisissamik saqqummiussinnginnerannut?

Akissut:

Naalakkersuisut ajuusaarutigaa oqaatsinut politikki pillugu Inatsisartut inatsisaannut allannguutissatut siunnersuut Inatsisartut 2012-mi ukiakkut ataatsimiinneranni oqaluuserisassanngorlugu saqqummiunneqassanngimmat.

Allannguutissatut siunnersuutip uani ataatsimiinnermi saqqummiunneqannginnissaanut pissutaavoq teknikkukkut ajuusaarnartumik kukkusoqarnera. Naalakkersuisut ajoraluartumik Inatsisartut Siulittaasoqarfianut tunniussinissamut killissarititaasumut, tallimannngornermi augustip 17-anut 2012, nal. 12.00 ullulerneqarsimasumut qaangiipput.

Kingorna Naalakkersuisut Inatsisartut Siulittaasoqarfianut killissarititaasup qaangiutereernerani nalunaarutiginninnissamik qinnuteqarput. Inatsisartut Siulittaasoqarfiata tamanna itigartitsissutigivaat.

Oqaatsinut politikki pillugu Inatsisartut inatsisaannut allannguutissatut siunnersuut Inatsisartut upernaakkut ataatsimiinnissaannut 2013 oqaluuserisassanngorlugu nalunaarutigineqassaaq.

Saniatigut Naalakkersuisut Kultureqarnermut, Ilinniartitaanermut, Ilisimatusarnermut Ilageeqarnermullu Ataatsimiititaliaq tallimannngornermi septembarip 28-ani 2012 Oqaatsinut politikki pillugu Inatsisartut inatsisaata allannguutissanut siunnersuut pillugu ataatsimeeqatigivaa.

Inussiarnersumik inuulluaqqusillunga
Med venlig hilsen

Mimi Karlsen

01-10-2012
Sags nr. 2012-073790
Dok. nr. 1021654

Postboks 260
3900 Nuuk
Tlf. (+299) 34 50 00
Fax (+299) 34 66 66
E-mail: ikinn@nanoq.gl
www.nanoq.gl